

陝西通志第二十七卷

學校

辟廱鐘鼓於皇鎬京中天麗日大道昌明三物四術立範垂型漢
更秦弊綿蕝是營講求同異渠閣談經唐開六館雅鄭競鳴卓彼
關儒鑰啟西銘勗哉德造樂育觀成作學校志第十一

國朝

陝西西安布政使司所屬五府十二州七十三縣共設儒學九十
所膠庠選取師生教養之規詳列焉其課試拔補充貢為學政所
通行者不載

雍正元年

恩詔各省入學額數大學加七名

西安府等大學二十一學
共廣額一百四十七名

中學加

五名

咸陽等中學二十九學
共廣額一百四十五名

小學加三名

藍田等小學三十七學
共廣額一百一十一名

恩加一次後不為例 雍正二年文章廣額蒲城縣舊係大學照

府大學例取二十名咸陽同州乾州武功鄠縣興平膚施洛川清

澗寶鷄城固興安州舊係中學照大學例各取十五名三水商州

安定葭州汧陽沔縣舊係小學照中學例各取十二名華陰縣舊

係中學潼關衛裁衛籍入華陰照府大學例額取二十名

雍正五年改潼

關衛爲縣華潼二縣文章入學名數照中學例各取十二名鳳翔府學舊係中學照府大學例

額取二十名 武童廣額咸寧長安蒲城華州鳳翔縣舊係大學

照府大學例各取二十名咸陽乾州同州鄠縣膚施岐山城固興

安州舊係中學照大學例各取十五名商州藍田神木榆林靖邊

舊係小學照中學例各取十二名鳳翔府學舊係中學照府大學

例額取二十名 雍正十一年禮部覆准陝西學政潘允敏 奏

請新設榆林府學取進文武童生各十二名定邊懷遠取進文武

童生各一名榆林靖邊武童舊八十二名應減四名文章仍取八
名同州華州綏德州韓城郃陽漢中三原等州縣照府學額數取
進文章各二十名商州澄城華陰醴泉等州縣照大學額數取進
文章各十五名米脂武童照大學例取進十五名

大清會典學田之設原以供春秋饗祀及贍給貧士之用有舊置者
有助給者歷年多寡不一康熙二十二年直省冊報陝西西延等
處學田五十五頃二十畝租銀一百五十六兩三錢租糧一千二
百三十七石九斗衛所學田一頃八畝租麥九石六斗三升六合
米九石六斗三升六合 雍正五年西鳳漢三府興商華同邠乾
耀七州屬冊報學田原額并續墾共地五十四頃六十四畝五釐
八毫五絲內除南鄭縣陸續開墾外止荒蕪并射圃亭占地二頃
三畝九分八釐五毫實在熟地通共五十二頃六十畝七釐三毫

五絲惟畧陽縣地係岩坡山溝難以計畝學租每年共徵麥穀雜糧一千二十一石九斗八升四合一勺二抄租銀一百五十四兩四錢一分七釐三毫九絲 又查報義田案內申報西安府渭南縣學田地七十八畝每年徵麥穀一十一石七斗 又西安府咸長二縣并華州潼關縣雍正五年分造報舊時按院置學田地共二百六十一畝四分七釐八毫咸長二縣學租共一百十五石九斗三升二合潼關學租棉花六十觔

按以上學田學租入雍正五年奏銷又據各屬冊報餘

俱未入奏銷

西安府

府學大在府治東南即宋金學校舊址元至正間行省平章廉希

憲重脩學士虞集記明成化九年巡撫馬文升知府孫仁拓脩

學士商輅記

本朝順治十年提學田厥茂重脩有記

宋景祐二年侍郎范雍奏昨知永興軍前資寄住官員頗多子弟輩不務肯構惟恣輕薄蓋由別無學校勵業之所致到任後奏建府學兼賜九經書差官主掌每日講授據本府分析見有脩業進士一百三十七人在學關中風氣稍變權節度掌書記陳諭管勾乞降勅命令常遵守

中書劄子

學制大門三間前有譽髦

斯士坊門內爲泮池儀門內當甬道爲魁星樓正中上面爲明倫堂五間兩旁爲四齋曰志道曰據德曰依仁曰游藝各三楹東西號舍各三十六間堂後爲尊經閣五間上貯書籍閣旁碑亭二座閣後神器庫六間敬一亭在殿後射圃亭在長安縣學右

府志

府學文廟歲久頽敝成化戊子副都御史馬文升巡撫是

邦意圖恢拓未果越壬辰秋仲釋奠適大風雨殿廡傾圯廼謀

諸巡按蘓盛布政朱英按察宋有文撤而新之令西安知府孫
仁出公帑羨餘擴其舊址首建大成殿七間兩廡各三十間次
作戟門櫺星門神厨齋房泮池及殿後漢唐石刻之屬舊覆亭
宇咸增新之經始於癸巳春正月至秋八月訖工

商輅儒學碑記

西安

居省會郡一邑二故學三而廟一廟當城南門之東宅吳離中
郡學校而右咸寧邑治在東故學亦東長安邑治在西學亦在
西東學之東為啟聖祠廟之後環列古諸石經名刻覆以步欄
俗謂碑洞洞後正南面建亭奉敬一箴而箴之東西各為亭尊
制也郡學明倫堂後特峙尊經一閣典籍藏焉一廟三學宏規
壯觀凡學宮鮮其儷郡學宋已居此二邑學則明成化中建嘉
靖間都御史王堯封布政使黃臣知府李文極鹽城夏雷接踵
聿新萬曆癸巳淫潦彌時公私垣舍大壞廟學滋甚知縣李得

中謀諸長安令沈聽之相與共請諸道府於是工成不日焉人

周宇記

正學書院在府治西南蓋宋橫渠張子倡道之地門人呂大鈞等皆得其傳元許魯齋主學事亦多造就後省臣建議為書院合祀橫渠魯齋及其鄉賢楊元甫而聚徒講學其間入明百餘年遺址無存至弘治九年提學副使楊一清卜地重建

大學士李東陽

記弘治中提學王雲鳳建書樓於正學書院廣收書籍以資諸

生誦覽嘉靖中唐龍督學時士學趨詭異乃新正學書院選士

羣肄之剗其奇靡而約諸理其所登進者悉為名臣

賈志本傳

萬曆

乙酉許孚遠督關中學禮聘三原王之士多士興起

關學編

國初巡撫賈漢復重脩同州李楷有記

關中書院在府治東南明萬曆三十七年布政汪可受按察李

陝西通志 卷二十七
天麟叅政熊應占閔洪學副使陳宁段猷顯為馮從吾講學建其講堂額曰允執從吾有記

學田

按府學廩餼及貧士俱長咸二縣學租內支放不另設學田各府學倣此

長安縣學

大

舊在縣治西明成化九年巡撫馬文升議徙府學西

萬曆三十七年知縣楊鶴重脩改移泮池增置棹檣雲路

本朝順治八年知縣樊鴻選訓導張宏業重脩有記

社學六所嚴家渠周家庄席房邨灣邨香積寺姜村堡各一區
學田三頃四畝五分八釐租一百二十二石九升九合又舊有
按院置學田地一頃一十六畝九分二釐九毫徵租四十六石
一斗六升

咸寧縣學

大

舊在縣治西明成化七年提學副使伍福奏徙府學

東

按徙時在

知府余子俊脩嘉靖十一年知府李文極萬曆十

三年知縣李生芳重脩郡人府尹王鶴記十八年知縣李得中又脩

本朝順治十一年知縣余國柱康熙三年知縣黃家鼎增修俱有碑記

魯齋書院在咸寧縣治東北續文獻通考延祐元年京兆為故儒臣

許衡立魯齋書院降璽書旌之元史仁宗本紀○按今廢

社學四所新住鎮香胡灣黃渠頭狄寨鎮各一區

學田六頃四畝七分三釐二毫租二百五石八升六合又舊有

按院置學田地一頃二十九畝五分四釐九毫徵租六十九石

七斗六升六合

咸陽縣學大在縣治西明洪武四年縣丞孔文郁建天順二年知

縣賈仁重脩衆議許彬記正德元年知縣孟統又脩教諭孔褒

記

社學四所一在縣治其三所在賈村雙照等里

學曲蛇三十九畝二分租二十石六斗四升

興平縣學

大

在縣治西明洪武三年知縣沈訥建成化十年知縣

王崧弘治九年知縣朱瑄正德間知縣李應陽嘉靖間知縣孔完重脩四十年知縣朱文增脩武功張鍊記

本朝順治十五年知縣徐開熙重建有記

學田地一百畝租三十五石

臨潼縣學

大

舊在縣城北宋咸平中知縣趙恪改建主簿王漢有

記元至元二十九年知縣馬忙脩韓擇有記至正十五年冬官

尚書趙公諒重脩太史歐陽元有記明洪武二年重建長史易

謙記成化間知縣劉聰高垣總脩嘉靖間地震學圯萬曆十二

年知縣劉應聘增脩尚書溫純記

本朝康熙四十二年教諭張鍾因傾圮捐俸徙建於廟東

橫渠書院在縣治東南即察院廢址康熙三十七年知縣趙于

京建有碑記

驪山書院在驪山下即古白鹿書院舊址

居善書院在學西取易居賢善俗之義元工部尚書趙公諒建

歐陽元有記

按今廢

社學一在橫渠書院一在驪山書院

學田地九十六畝八分租一十七石三斗四升五合

高陵縣學

中

在縣治北宋紹聖元年知縣朱革建縣尉吳柔嘉記

崇寧四年知縣范棟重脩自撰記元中統二年縣丞張鼎更建有記明洪武六年重脩正統間知縣張錦天順間知縣張琦張

傑相總脩成化二十年知縣段讓脩知縣劉安記弘治六年知縣楊舟嘉靖四年知縣鄧興仁脩提學副使唐龍記十年知縣楊剛又脩

本朝順治十年知縣王元捷脩十八年邑人李原茂捐資增脩進士魚飛漢記康熙十九年知縣張都脩有自記五十八年知縣熊士伯又脩

渭上書院在縣南渭北元延祐初建見學士蕭鄭撰三原學古書院記

按府志明時高陵又有涇野書院今並廢

社學五所一在縣治西街其四在鄉之店子頭魏村等各里義學三所一在楊官寨一在東馬家村一在河南馬家村雍正七年立

學田地一頃一十一畝七分三釐租二十五石一斗三升六合

六勺

鄂縣學

大學

舊在縣城外明洪武七年教諭張紳移建縣西永樂十

二年教諭方蘄訓導馮翊撤而新之正統十二年知縣徐純脩
侍講楊鼎記嘉靖六年知縣康天爵崇禎十一年知縣張宗孟
重脩

本朝順治十一年知縣魏似韓十八年署縣駱鍾麟康熙十七年知
縣曹爾弼二十一年知縣康如璉相繼脩三十八年知縣朱文
卿重脩有記

漢陂書院在縣治西

二曲書院在縣西南三里王心敬延其師李二曲願講學於此
提學高爾公爲之建坊

社學在鄉賢祠內

義學在縣治西街明知縣宋廷琦

本朝知縣劉文燦合祀祠內

學田地三十七畝五分租二十二石五斗

社田康熙五十七年督學覺羅逢泰捐置五畝租三石又知縣吳廷芝捐置四畝租六石八斗又官紳士子等共捐置地二畝租三石二斗

藍田縣學

中

在縣治南明洪武十年知縣樓璉建正統八年知縣

王禧嘉靖六年知縣王科修二十八年巡按程軌增修都御史

許宗魯記萬曆間知縣李景登三十年知縣王邦才重脩尚書

孫丕揚記

本朝順治十年知縣蘓就大復脩

灝州書院在縣治南唐學士李元通建明弘治時知縣任文獻

重脩

芸閣書院在縣治北五里宋呂大臨建明知縣任文獻重脩府按

志呂氏四賢祠後有芸閣寺俗呼呂氏菴弘治中提學王雲鳳撤佛像匾曰芸閣書院又有秦關書院知縣黎一遵爲博士王之士建秦關者之士別號也今廢

社學在縣治厚子鎮南大寨故景川洩湖鎮安邨等里共五所學田地六十畝租二十二石一斗六升七合二勺

涇陽縣學大在縣治西南宋元祐五年建明洪武二年知縣張師

孟重建天順元年主簿潘敏嘉靖間知縣樊鍾岱朱友達萬曆三年知縣傅好禮崇禎五年知縣梁士淳相繼增脩

本朝順治五年知縣張應召重脩自爲記

學田地共四十三畝六分四釐四毫五絲租二十六石一斗八升六合七勺

三原縣學

學大

在縣治西北元大德十年鎮人張德明勸建縣尹郭

真拓脩至正十年縣尹李誠修二十八年左丞陳思道重脩侍

御董立記明洪武二年縣丞仰山重建成化十二年知縣李景

繁弘治四年知縣馬龍萬

間邑進士溫純脩

本朝康熙二十一年知縣葉章重脩提學葉映榴有記康熙三十五

年知縣俞璉增脩

學古書院在縣治西北元延祐七年邑人李子敬暨弟子懋勗

建蕭鄭有記

府志

三原李子敬創學古書院延涇陽程瑁講學其

中遠近從遊者百餘人稱悅古先生

關學編

明弘治元年西安知

府徐政重建嘉靖四十四年地震圯四十六年縣丞張九功重

脩按察使喬世寧撰碑萬曆間巡按傅振商增脩有記

弘道書院在縣治北明弘治九年建邑人兵科給事王承裕與